

128

Sūnhòk SiōngChú ē Tit  
Chióngsiú<sup>n</sup>

(Peh kiā'á ê si.)

- 1 Kiànnā kèngùi SiōngChú,  
koh chunhêng l ê tōlō ē lāng chin ū hokkhì!
- 2 Lí beh hiángiōng lí ê chhiú lôkhó sǒ tit tiòh ê;  
lí beh hiánghok, sūsū hengthong.
- 3 Lí ê khanchhiú tī lí ê chhù lāi, chhinchhiū<sup>n</sup> gâu  
kiat kóechí ê phû tô chhiū;  
lí ê kiá<sup>n</sup> jī ùi tī lí ê toh pi<sup>n</sup>, chhinchhiū<sup>n</sup> kan'á chai.
- 4 Khòa<sup>n</sup> ah, kèngùi SiōngChú ê lāng,  
i tekkhak ē áne tit tiòh hokkhì!
- 5 Goān SiōngChú tùi Si'óng sù hok hō lí!  
Goān lí chit sîlāng ē tàng khòa<sup>n</sup> kìn Êlúsalem ê  
hengōng!
- 6 Goān lí ē tàng khòa<sup>n</sup> kìn lí ê kiá<sup>n</sup> ê kiá<sup>n</sup>!  
Goān pêngan kui tī Isulael!

128

順服上主 ē 得獎賞

(Peh 崎 á ê 詩。)

- 1 見若敬畏上主，  
koh 遵行祂 ê 道路 ê 人真有福氣！
- 2 你 beh 享用你 ê 手勞苦所得 tiòh ê ；  
你 beh 享福，事事興通。
- 3 你 ê 牽手 tī 你 ê 厝內，親像 gâu 結果 chí ê 葡  
萄樹；  
你 ê kiá<sup>n</sup> 兒圍 tī 你 ê 桌邊，親像橄欖栽。
- 4 看 ah，敬畏上主 ê 人，  
伊的確 ē áne 得 tiòh 福氣！
- 5 願上主 tùi 錫安賜福 hō 你！  
願你一世人 ē tàng 看見耶路撒冷 ê 興旺！
- 6 願你 ē tàng 看見你 ê kiá<sup>n</sup> ê kiá<sup>n</sup> ！  
願平安歸 tī 以色列！